



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1553. usque ad annum 1557

**Fleury, Claude**

**August. Vind. [u.a.], 1771**

**VD18 9011857X**

§. 130. Livoniensium Legatio ad Moscovitas pro obtinenda pace.

---

[urn:nbn:de:hbz:466:1-66565](https://nbn-resolving.org/urn:nbn:de:hbz:466:1-66565)

Sæc XVI. AC 1557. exactione exemptos volebat: verum licet hæc conventio Sacramento, & osculo Crucis firmaretur, ne tunc quidem aliquid præstitum est.

§. CXXX.

*Livoniensium Legatio ad Moscovitas pro obtinenda pace.*

*Thuan. l. 21. n. 5.* **Q**uamvis Livones rursus datam fidem fefellissent, nihilo fecius hoc item anno millesimo quingentesimo quinquagesimo septimo pacem denuo petere præsumebant, atque hanc in rem supremum Livonici Ordinis Magistrum, & Torpatensem, seu Derptensem Episcopum unacum pretiosis muneribus ablegabant, eo fine, ut hujus Principis animum per ipsorum perfidiam summe exasperatum placare niterentur. Hos Basilides, quam primum eos conspexerat, per duos interpretes sibi adstantes, ac Germanici, patriique idiomatis gnaros interrogabat, an pacem peterent: cum ergo illi, ut de pace agerent, se venisse responderent, & scyphos deauratos a Livonici Ordinis Magistro, & Episcopo Torpatensi missos offerrent, Basilides statim scyphos in triclinium proximum deferri jubet; & quamvis eorum obsequia ipsi non admodum ingrata essent, nihilominus suam eis perfidiam exprobrabat, eoquod toties pacta  
vio-

violassent, nec quicquam eorum, quæ religiose promisissent, & sigillis firmassent, fervarent; dein commemorata Majorum religione, fide, ac fortitudine, quantum ipsi ab eorum pietate, ac virtute degeneraverint, verbis artificiose rem aurentibus ostendit, atque illis, quod cultum receptum abrogassent, Basilicas evertissent, virorum, ac Virginum cœnobia profanassent, ac spoliassent, objiciebat, hisque addidit, quod ipsi se non Ecclesiasticos Principes, & Ecclesiæ filios, sed ferissimis barbaris immaniores, magisque crudeles, ac proinde indignos exhibuerint, ut ipsis pax concedatur.

Sæcul. XVI.  
A.C. 1557.

§. CXXXI.

*Pax Livonenfibus a Moscovicæ Duce denegata.*

Ad cuuctas hæc objurgationes mox *Thuan. l. c.*  
Livones responderunt: „Evolutis „diligenter Majorum nostrorum commentariis, & computatis rationibus, „minime comperire potuimus, ullum „tributum Mosco Principi deberi: quod „autem pax nobis denegetur, apud Cæsarem, in cujus clientela sumus, con- „queri statuimus. „ Verum ad Cæsaris nomen subrisit Moscovitarum Princeps, cum sciret ejus auxilia nimis remota, tarda que fore, inde tamen sumpta rursus occasione, Livonibus impietatem suam